




kat.komp  
53199

Mag. St. Dr.

P.

*Franklini Hieronymi Theognosia ani-  
mastica et metaphysica.*







# THEOROGNOSIA ANIMASTICA

ET  
METAPHYSICA,

In Almâ  
ACADEMIA CRACOVIENSI,

Præfatus D. HIERONYMO FRANKINI Præposito Krystopo-  
rienski, *Curfus Wladislawiani et Turis Vg. auditore euigilata,*

ET AB EODEM,

In peraugusto IAGELLONIANÆ Domus  
DD. Theologorum Lectorio publicè Di-  
sputationis trutinæ obiecta.

PRÆSIDENTE

Excell: D. ALBERTO DĄBROWSKI, Colle-  
ga Minore, nuper eiusdem *Curfus Wladislawiani*  
Professore, A.D. 1642. Sept: 22. ho: 19.

CRACOVIA,

In Officinâ Typogra: Valeriani Piątkowski.





In Stemma Illustrissimæ Gentis:  
DANILOVICIANÆ.



53199  
 I

*C*ith a penniferam iaculatur, Luna, Sagittam;  
 Cornibus in geminis, que gerit Astra duo.  
 Non tangit metam, meta est nam nulla Sagitte,  
 Quæ, t' ito, clarum gestat, in orbe, decus:  
 Dirig' t' a' celerem Cursum super Æthera: meta  
Quod DANILOVICIIS, facta sit, ipse D E V S.

Marcus Frankin, Stud: Eloqu.



*Illustrissimo ac Magnifico Domino,*  
D. IOANNI NICOLAO

à Z V R O W

DANIŁOWICZ,

Supremo Regni

THESAURARIO,

Premislien: Samborien: Drohobyccē: Col-  
sen: Korsunen: Ratinen: &c.&c.

CAPITANEO.

Dño & Mecænati ampliss.

**O**ccupationes Virorum literatorum grauissimę,  
laboresq; immensi, quos honestissimarum disciplinarum &  
humanitatis studia vocamus, semper principum tutelā pro-  
tecti, in lucem publicam prodire expetiuerunt Illustrissime Dñe: a-  
deo ut reperire liceat neminem: quicūq; aliquod opus suę lucubraz-  
tionis, Typis, & serę posteritati mandandum cogitaret: qui Patrō-  
num ex Præclarissimis Magnatibus, & sibi, suisq; conatibus, fauen-  
tissimum Mecænatem non quæserit. Nec iniuria: plebs enim,  
quę nihil excelsum, nihil dignum immortalī gloriā, & Verā laudis  
commendatione cogitat: Vipotē quod nullo sensu posteritatis, &  
sempiternę memorię ducatur, hostilem in modum furit in musas.

A 2

Ceterum



Ceterum principes, quia laboriosis Virorum Doctissimorum lucubrationibus nihil intelligant esse præclarius, præstantius, & accommodatius, ad gloriosi nominis famam Comparandam, nunquam intermorituram: idcirco easdem appetant non tantum singulari patrocinio Complecti: sed etiam, ne cuiuspiam furiosi hominis, temerario ausu diuexentur, auxiliarem defensionem, & dexteram potentem soleant opponere. Verumenimvero unde? aut à quo. Herdum Præstantissimorum, certius & paratius auxilium, optimarum artium literæ, debeant sibi polliceri? tum quoque mea Tui clientis humillima Theorognosis, quæ se periculis Stagirici certaminis obicit? nisi Illustrissime Domine, à Tuis Armis gentilitiis, atque Lunâ, maximis Virtutum Excellentissimarum decoribus, & splendore, coruscante. Luna enim Tua, quam sagittâ potenti obarmatam contemplor; quid aliud, nisi aduersa molientibus, ictum terribilem portendere censetur? mihi Verò imperterritum animi robur, mentemque radio lucis sue fulgentissimæ collustratam, ominatur. Prisca illa antiquitas, quod multa comminiscatur de Pallade, id est de Lunâ, (nam & hoc nomine Constat Vocitatam fuisse) dum illam sagittâ & arcu armatam fingat; demum quod credat, quasi non tantum præses Musarum, sed simul ipsarum acerrima protectrix & defensatrix existat; equidem sub alienis exemplis, expressam rationem Tui gentilitiis splendoris intelligendam, existimo. Omnia hæc, quæ de Pallade circumferuntur, mera sunt ingenio sissimorum Poëtarum figmenta. Porro cum Te Viri literarum cultui arctissime astricti, suum communem Fautorem, Patronum, & admirabili factorum benignitate datum Protectorem, linguis & sermonibus pulcherrimus, gentium ubique recognoscant; quis hæc profecto verissima non acceptabit? Ita se rem habere, per multa augustissimarum Religionum familie deprædicant: atque Academia LAGELLONIANA, insigni eruditionis gloria florētissimi professores: qui Panegyres, ludicia Astrologica:

et alia.



& alia elogiū magnificentiſſimorum Conſecta encomia, Tu  
 nomini ampliſſimo conſecrata, dedicant. Tu enim Virorum Do-  
 ctriſſimorum ingenia, Tuā gratiā, humanitate, magnificentiā, affa-  
 bilitate, ceteriſq; munificentia & liberalitatis auxiliis: ita feliciter  
 feciſtis promoves, & ad faciendā quęvis ampliōrē incrementū,  
 erigis: ut quod maxima & proficua excreſcant, ad cultū Dei pro-  
 pagandum, ad defendendā afflicte Eccleſiæ pacem, ad conſili-  
 luberrima caſibus in dubiis Reipub. ſubminiſtrandā: id totum ag-  
 ceptum Tuę gentilitiæ Luna, Tuōq; humaniſſimo Polluci & Caſtori  
 libenter referunt. Atq; verò hic ſubito venit mihi in mentem re-  
 cordari, quid effecerit? quod Tui nominis auguſtiſſima fama, extra  
 patrios terminos, vſq; ad gentes cū finitimas, tū magnā locorum  
 diſtantiā diſiunctiſſimas evolauerit? quod uē arctiſſimo affinitatis  
 nexu, conſociationem contractam, cum Familiā illuſtriſſimā TECINI-  
 ORVM, OSSOLINIORVM, SOBIEſCIORVM & ZEBRZIDOVIORVM firmaue-  
 ris? niſi quod Tua Luna meritis & amplitudine rerum glorioſiſſi-  
 me geſtarum, eas ſerē orbis terrarum Partes, quas & ſuperior Luna  
 dum cæleſtium Plagarum regiones peruagatur, illuſtret. Quapro-  
 pter ſi Tua Luna quemlibet mortalium, ad ſe trahat, radiis ſua be-  
 neficientia, & omnium Virtutum incredibili ſplendore: quis ergo  
 me Tuum Clientem putabit temere, aut precipiti audaciā, adductum  
 facere? quod confidenter cum meā Theorognoſiā, in Tuum Conſpec-  
 tum ampliſſimum prodeam: eamq; & mea ſimul vniuerſa ſtudia,  
 labores, conatus, lucubrationes Tuę proteſtioni perquam ſubmiſſe  
 ſubiiciam & conſecrem. Multa Tua beneficia in mentium noſtra-  
 rum memoriā deſita ſunt; quę gratiſſimo animo ſemper recogita-  
 mus. Non enim me ſolum; ſed omnium meorum dignitatem con-  
 ſtantiſſimē auges: & quęuis ſcias minūſ meritos: ſtudio tamen  
 ardentifſimo, amore, & beneuolentiā ſingulari, ita complecteris, ſo-  
 ces, & diligentifſimā cum fidelitate promoues: Ut nos omnes velis



esse, omnium optimarum rerum accessione, florentissimos. Vehementem igitur cupio fieri, pignus & argumentum mea erga Te observantia, istud meum studium, in spaciis Almae Academiae Cracoviensis, diurnis nocturnisque meditationibus euigilatum: quod Illustrissime Dñe, benigno vultu, gratâ animi moderatione, ut recipere velis, maiorem in modum oro & obsecro. Demum quod superest, ut felicissime valeas, diutissime viuas, ac gloriosissime perennes Deum Optimum maximum oro semperque orabo. Datum Cracovæ meo Museo. Die 1. Septemb. Anno Domini 1642.

Illustrissimæ Amplitudinis Tuæ

Cliens humillimus

& apud Deum exorator.

*Hieronimus Frankini*

*Præpositus Kryjeoporiensis*

*Phil. & L. Vg. Aud.*





# THEOROGNOSIA

## PRIMA PARS.

### *De Quiditate Animæ.*

1. **I**nquisitionem Animæ, quam ad naturalem Philosophiam, pertinere dicimus: Constat, præter Diuinam, cæteris esse nobiliorem: cùm ex parte obiecti: tùm ex parte certitudinis intellectus. Est eadem Anima, neq; temperamentum primarum quatuor qualitatum: neq; vapor; neque Harmonia &c. vt ex antiquis multi voluerunt; sed de genere substantiæ; non tamen est Corpus, nisi fortè vt Quo.

2. **O**primè Essentiam Animæ duabus definitionibus Arist: explicuit. Definit eam primò: Anima est Actus, primus, corporis Organici Physici, potentiâ vitam habentis: quæ definitio Essentialis habetur: & conuenit omnibus Animabus, etiam Rationali. Definit secundò: Anima est principium, quò viuimus, mouemur.



ueniunt, & intelligimus. Hæc illam priorem  
conuenienter demonstrat; licet à posteriori:  
Vnde descriptiua, non Quiditatiua affirmatur  
esse.

- 3 **A** Nima rectè diuiditur in Vegetatiuam, Sensiti-  
uam, & Intellectiuam; plures non dantur. Est  
autè hæc diuisio Vniuoca, non Analogica: nu-  
merantur tamen gradus viuendi quatuor: nē-  
pe Vegetatiuus, sensitiuus, loco motiuus, &  
Intellectiuus.

*De potentijs Animæ in Communi.*

- 4 **N** On dantur plura genera potentiarum Vita-  
lium animæ, nisi quinque; vegetatiuum, sensiti-  
uum, appetitiuum, loco motiuum, & intelle-  
ctiuum: quanquam non negamus dari subdiui-  
siones. Distinguuntur inter se realiter. Spe-  
cificationem autem & distinctionem, quam ha-  
bent, eam ex ordine ad Actus & Obiecta for-  
malia sortiuntur. In obiectis non omnino re-  
quiritur diuersitas realis: Cæterum ipsi Actus,  
in quantum in ratione actus considerantur, ex  
habitudine ad objecta formalia essentialiter  
specificantur.

Nomi-



5. **N**ominatas potentias, distingui realiter ab ipsâ Animâ, vt Veritati consentaneum amplectimur: quod intellige, non solum de potentiis Animæ intellectiua, sed simul sensitiua, & vegetatiua. Dimanant ab Animâ, eodem ferè instanti, quo ipsa producitur: hinc ipsarum causatio, propriè naturalis resultantia vocanda, impropriè efficientia. Potentiæ sunt duplices Organicæ & Inorganicæ: hæ vt intellectus, voluntas, & memoria, in ipsâ Animâ velut in subiecto recipiuntur: illæ verò in composito; & in Animâ, solum vt in radice & principio.

*De Animâ Vegetatiuâ.*

6. **I**nter Animas, Vegetatiuam dicimus esse Communissimam: eandemq; diuisibilem. Reperitur in plantis, Arboribus, herbis, floribus, tanquam in subiectis suæ informationi conuenientibus. Hinc sensitiuam, aut Intellectiuam non decet, vt habeant: licet Stoici, Plato & Pythagoræi contrarium senserint.

7. **N**otitia Animæ vegetatiuæ, optimè inclarescit ex his cognitis: nempe quid sit? quas  
B operatio



operationes habeat? quod obiectum? Organum: ac deinceps potentias: quæ sunt Nutritiua, Augmentatiua, & generatiua. Diuiditur in eas, vt, quoddam totum virtuale, vel potestatiuum. A se inuicem realiter separantur: vnde nutritiua, & Augmentatiua non reputantur pro vnâ, eademq; potentiâ.

8. **I**N specie generare sibi simile, naturalissimum est omnibus viuentibus: cum vegetatiua sit principium generandi tale, quale ipsa est: naturalissimum tamen sumatur, pro quadam naturæ præcipuâ inclinatione & propensione. Ad generatiuam ordinatur nutritiua & Augmentatiua: quanquam obligatur viuens, magis ad propriam vitam conseruandam, quam ad faciendam generationem.

9. **C**Or in generatione, ante omnia membra primò efformatur, ceu fons & principium vitæ: Animalia quæ producuntur ex putrefactâ materiâ, constat esse eiusdem speciei, cum productis per generationem.

### *De Animâ Sensitiuâ.*

10. **O**pportunè tenetur, cum sit longè probabilius, quod Anima sensitiua Animalium perfectio-



fectorum sit indiuisibilis : secus tamen sentien-  
dum de imperfectis, qualia sunt serpentes, lacer-  
ta, vespæ &c. Quamquam hæc, vt factâ diuisio-  
ne viuant ; non diuidantur in longum, neq; in  
partes nimis minutas : nam vita in eis, postulat  
partes, sub iustâ quantitate.

11. **L**ibet hanc definitionem sensus, tanquam suf-  
ficientem acceptare ; quâ definitur : quod sit  
susceptiuus specierum sine materiâ, quæ  
sunt proximum principium, cognitionis sensi-  
tiuæ, non tamen abstrahunt ab hic & nunc :  
quare sensus potiori iure dicitur potentia passi-  
ua. Ad sensationem eliciendam potentia &  
obiectum concurrunt : nec receptio speciei, di-  
ci potest ipsamet sensatio. Agens sensus non  
datur. Numerantur sensus quinque, visus, Au-  
ditus, Gustus, Olfactus, & Tactus.

*De sensibilibus seu Obiectis sensuum in  
Communi.*

12. **A**ptè diuiditur sensibile in per se & per accidens  
iterum per se in proprium & commune. Pro-  
prium voco, quod ab vno, & non alio sensu  
percipitur : per accidens quod ratione alterius



sentitur: Commune quod à pluribus sensibus attingitur, vt sunt motus, quies, numerus, figura, & magnitudo. Est verò natura sensibilis communis, vt speciem non imprimat in sensum, quæ sit distincta, à specie sensibilis proprii, sed solum, vt ipsam modifcet: hæc autem modificatio per se requiritur ad sensationem.

13. **O** Portet vt sensus externi, ad eliciendas sensationes habeant medium: proinde visibile positum supra oculum non videtur. Excellens obiectum corrumpit sensum. Circa proprium sensibile non errat sensus: at circa sensibilia communia, & peraccidens potest errare. Habet sensus pro obiecto vniuersale; licet singularitas requiratur, tanquam Ratio, sub quâ attingitur tale obiectum: vnde visus non videt coloratum, nisi sub ratione huius, aut illius colorati.

*De sensibus Externis in Comuni.*

14. **D**atur proprium obiectum visus, Color in communi acceptus: qui secundum se visibilis est; quapropter lux extranea, & medium illuminatum, habent se tanquam conditiones;



tiōnes requisitæ. Organum visus pupilla as-  
signatur. Lumen in medio habet Esse reale; in-  
potentiâ autem Intentionale. Non efficitur  
visio, per emissionem radiorum, sed per intus  
susceptionem specierum.

15. **A**uditus adæquatum obiectum, non aliud  
statuitur, nisi sonus: quem dicimus esse qua-  
litate resultantem ex forti percussione cor-  
porum sonorum, & medii resilientiâ. Vnde  
sonus non est idem, quod motus aeris. Sub-  
iectum ipsius non sunt corpora sese collidentia,  
sed corpus medium nempe Aer, si sit sonus per-  
fectus. Potest sonus, secundum Esse reale, ad  
aliquam partem medii realiter deferri, iuxta e-  
xigentiam, & virtutem corporum se mutuò col-  
lidentium, non tamen necesse, ut vsq; ad Audi-  
tum realiter perueniat, sed sufficit ut intentio-  
naliter. Organum Auditus consistit, in sub-  
stantiâ quadam aereâ & spirituosâ, quæ intra  
Aures animalis reperitur: seu in aere connatu-  
rali qui intra vtriusq; auris tympanum existit.

16. **N**actus est cæteris animalibus homo dete-  
riorem odoratum. Denominatur autem  
odoriatus ab odore, tanquam suo obiecto  
adæquato. Causatur plerumq; odor, quando  
calor



calor externus resoluit rem odoriferam ; qui odor licet deprehendatur secundum Esse reale, in medio propinquo ; tamen in medio distanti sufficit, vt sit secundum Esse intentionale. Organum Olfactus collocatur, in duabus Carunculis proximis cerebro ; quas mamillares à similitudine mamillarum nuncupant Philosophi. Duplex medium Olfactui conceditur , Aer & Aqua.

17. **I**mmutatur gustus, non ab alio obiecto sibi proportionato, nisi à Sapore. Habet medium Intraneum, scilicet carnem porosam, in superficie linguæ extensam ; & superpositam neruo sentienti sapores. Cæterum Organum gustus, est neruus à cerebro descendens & veluti rete per totam linguam diffusus : ita tamen, vt in cuspide linguæ, vis gustatiua magis vigeat. Organum gustus non debet esse actu humidum, sed in potentiâ : intellige tamen non de naturali, sed saporosâ humiditate ; quam oportet vt maius dominium habeat supra siccitatem, quæ admodum in Olfactu siccitas supra humiditatem.

18. **I**acet Arist. lib. 2. de Ani. tex. 116. dicat : quod Caro respectu Tactus ita se habeat, sicut aer respectu

respectu visus: tamen intellige carnem; mediū  
Intrinssecum esse, Aerem autem Extrinssecum.  
Obiectum Tactus sunt qualitates non modò  
primæ, vt caliditas, frigiditas, siccitas, & humi-  
ditas: sed etiam secundæ vt durities, mollities,  
scabrities &c. in quantum tamen sub vnâ ratio-  
ne Tangibilis concipiuntur. Cæterum ner-  
uus, qui instar retis, per totum corpus Animalis  
diffunditur, habens plurimos surculos, pro Or-  
gano eidem sensui deputatur. Tactus est vnus  
specie non multiplex. Distinguitur realiter à  
sensu gustus.

### *De sensibus Internis.*

19. **O**pponeret se veritati manifestæ, qui negaret  
dari sensus internos; cum ipsamet Bruta,  
res in absentia cognoscant, discernant, re-  
cordentur, somnient &c. Appellantur Intrinse-  
ci, quia suas sedes possederunt intra Cellulas, &  
Organa capitis. Sunt materiales.

20. **V**isus, Auditus; aliiq; sensus exteriores, quo-  
niam nequeunt suas operationes percipe-  
re, nisi fortè imperfectè, neq; inter sensibi-  
lia discretionem vel conuenientiam ponere, ita  
vt vnus



ut vnus sensus de obiecto alterius iudicet: ideo  
præter sensus externos, datur sensus communis,  
tanquam potentia superior ad quam pertineat,  
iudicium formare de operationibus, & obiectis  
sensuum particularium. Vnum tamen, non  
plures statuimus esse.

21. **I**nteriores sensus numero sunt quatuor: inter  
quos primus numeratur prædictus sensus com-  
munis: cum sequitur Imaginatiua, seu phan-  
tasia: tandem æstimatiua, quæ in hominibus  
Cogitatiua, vel Ratio particularis potest nuncu-  
pari: deinceps memoria, quæ etiam in homine  
à reminiscentiâ non distinguitur. Quanquã  
æstimatiua in homine, tametsi formet proposi-  
tiones & discursus circa singularia: id tamen  
ei, non ex propriis meritis conuenit, verum ex  
coniunctione ad Intellectum. Omnes sensus  
prædicti sunt inter se realiter distincti.

22. **C**ommunis sensus, in primâ parte frontis,  
suam sedem possedit: vbi etiam sensuum  
Externorum nerui à cerebro descendentes  
vniuntur: tandem ei ferme immediatè con-  
iunctum est Organum Imaginatiuæ. Gate-  
rùm æstimatiua post mediam partem cerebri  
collocatur memoria autem declinat ad partem  
vltimâ

ultimam capitis, seu ad occipitium. Atq; ve-  
rò hi sensus interni, ita Animalibus conueniunt:  
Ut non omnes omnibus; excepto sensu com-  
muni, quem tam perfecta Animalia quam im-  
perfecta habent.

*De Animâ Intellectiua.*

23. **S**piritus immortalis, incorruptibilis, & indi-  
uisibilis est Anima intellectiua: à solo Deo  
creata: non ante Corpus sed simul cum cor-  
pore: cui vnitur tanquam forma realis dans i-  
psi Esse. Est autem Anima Intellectiua, tota in  
toto corpore, & tota in qualibet parte: quan-  
quam non eodem modo respicit totum corpus  
quod informat, & suas partes. Eadem Anima  
Intellectiua Crinibus, Dentibus, Vnguibus, San-  
guini, & reliquis humoribus dat informatio-  
nem.

24. **V**Num quoniam est subiectum homo, non  
igitur credibile censendum, quod tribus  
distinctis Animabus informetur: cum na-  
tura superfluum odio prosequatur. Quapro-  
pter nec forma corporeitatis, in eodem reperi-  
tur, nisi sola Anima Intellectiua, à quâ omnes  
gradus promanant.

C

De



## *De Intellectu.*

25. **P**ROBabilius putandum esse, quod non modo Intellectus possibilis; sed etiam Agens. detur: qui à se inuicem distinguuntur realiter. Quamquam possibilis Intellectus licet dicatur esse pura potentia; id tamen intelligendum non in genere Entium, sicut materia prima, sed in genere intelligibilium. Non cognoscit se directe. Est verò Intellectus possibilis obiectum proportionatum (vulgò dictum motium) quatenus pro hoc statu consideratur quiditas rei materialis, vt abstracta à conditionibus materialibus indiuiduantibus. Intellectus possibilis dantur duæ operationes, simplicium apprehensio: Compositio & diuisio: sub hac operatione virtualiter continetur discursus, quem vocamus Tertiam operationem. Cæterum intellectus Agentis hæc sunt officia, nempe vt denudet phantasmata à conditionibus indiuiduantibus: vt faciat intelligibilia in potentiâ intelligibilia in actu: vt Species intelligibiles offerat intellectui possibili, &c.

## *De Speciebus Intelligibilibus..*

Recipi-

26. **R**ecipitur species Intelligibilis in Intellectu possibili, ut ipsum actu, & ponat in actu primo; sicut forma actuatur materiā. Quamquam species intelligibiles sunt in duplici differentiā: quædam vocantur Impressæ, & hæc constituunt Intellectum in actu primo: quædam expressæ, aliās vocantur verba mentis, & hæc constituunt intellectum in actu secundo. Species impressæ Intelligibiles representant formaliter sua obiecta: non tamen concurrunt partialiter principaliter cum intellectu ad Intellectionem: ipsam enim principaliter efficit intellectus: imò non ut pars, sed ut unum totum principium intellectionis, maximè quando informatus specie, est unum idemq; formaliter factus cum ipsa.

27. **E**xposcit ratio intellectionis, ut intelligens pro hoc statu phantasmata speculetur: sine quibus nihil intelligitur. Intellectus Practicus & speculativus non differunt inter se realiter: nec memoria intellectiva ab intellectu possibili. Synderesis non dicitur esse potentia peculiaris Animæ intellectivæ, sed habitus naturalis primorum principiorum operabilitium: Cuius actus est conscientia, quæ vocatur applicatio eorundem principiorum ad operandum.



# THEOROGNOSIÆ

## ALTERA PARS.

### *De Quiditate Metaphysices.*

28. **M**etaphysica quantam suæ dignitatis vim  
& excellentiam, super vniuersas bonarum  
artium disciplinas possideat, est non per-  
tenui argumento summa ipsius necessitas: cum  
eâ noster intellectus: Res scibiles: principia  
scientifica: ac rerum Diuinarum indagatrix.  
Theologia, non mediocriter indigeat: iuxta il-  
lud: Bonum metaphysicum, optimum fieri  
Theologum.

29. **O**mibus scientiis eadem metaphysica est:  
prior: licet quoad nos considerata dica-  
tur esse posterior. Est verè illa sapientia,  
cùm per supremas causas, & prima principia  
procedat. Vnde scientia aut Ars, duntaxat se-  
cundùm Communem Vsurpationem potest  
nuncupari.

30. **R**efertur ad habitum speculatiuum, tanquam  
merè speculatiua. Attributa hæc præci-  
puè habet: quod sit libera, Diuina possessio,  
hono-

Honorabilissima, maximè Intellectualis, Architectonica, Theologia &c.

31. **E**T quamuis rerum diuersarum naturas considerat: non tamen multiplicem, sed vnā secundum speciem atomam dicimus esse.

Datur appetitus triplex: naturalis, Animalis, & Intellectualis: sed appetitu naturali homines ad metaphysicam inclinantur: nihil obstante, etiamsi ab indigentibus, quæstuariis, pigris, aut voluptatem potius, quàm honestatem sectantibus negligi videatur.

32. **G**enera scientiarum, quæ nostro intellectui excolendo inferuiunt, numerantur duo: quædam enim scientiæ sunt vniuersales; quædam particulares. Metaphysica cum sit scientia vniuersalis, meritò sibi appropriat, vt se inferiorum & particularium quod quid est contempletur: idq; iuxta prædicata communissima, quæ virtualiter ingredi in Quiditates rerum est necesse: Easdem sibi subalternat, licet non propriâ subalternatione.

33. **N**Eq; Deus gloriosus; neq; decem Categoriarum genera: neq; substantia separata: neq; causa vt causa &c. assignatur pro obiecto adæquato metaphysicæ: sed Ens quate-  
G 3 uus se



nus se suâ communitate extendit ad Deum & creaturas; ad substantiam & Accidens; ad Ens Reale & Rationis &c.

*De Naturâ Transcendentium.*

34. **I**nnotescit natura optimè Transcendentis, cum definitur: quod sit attributum vniuersale, quod de rebus omnibus prædicatur, cum quibus cohæret. Eius conceptus consistit, in amplitudine quoad res, non verò in separatione à rebus. Sunt Transcendentia duplicia simplicia & coniuncta. Simplicia vocantur, Ens, Vnum, Verum, Bonum; coniuncta verò ad eum sensum efferuntur v.g. causa vel effectus, principium vel principiatum, idem vel diuersum &c. Illa per se & simpliciter de rebus omnibus prædicantur: hæc verò cum disiunctione, dicendo omne Ens est causa vel effectus &c. Iterum Transcendens dicitur aliud proprium, aliud improprium.

35. **T**Enere quod Transcendentium sit numerus quaternarius, minimè à veritate est alienū: quamuis si ipsorum etiam senarius constituitur probabilitate non careat: nempe Ens quod

quod sumitur ab actu Essendi, Res autem ab Essentiâ vel Quiditate, vnum à sui diuisione; Aliquid à diuisione aliorum: Verum à conuenientia Entis ad Intellectum: Bonum à conuenientiâ Entis ad appetitum.

*De Conceptu Entis.*

36. **H**uius scientiæ subiectum, quod diximus esse Ens, quoniam iisdem conditionibus subiaceat, quibus subsunt subiecta aliarum scientiarum; proinde oportet ipsum habere causas & principia saltem cognitionis, iuxta exigentiam naturæ vniuscuiusq; subiecti. Principia intrinseca quæ sunt materia & forma non potest habere: imò neq; Extrinseca; nisi quando consideratur materialiter seu in inferioribus.

37. **E**ns, omnibus rebus & naturis attribuitur. Enti Reali & Rationis: Deo & Creaturis: Substantiæ & Accidenti: intellige tamen eiusmodi attributionem, non esse æquiuocam: aut Vniuocam: sed Analogam; siue sit Analogiæ proportionis siue attributionis.

38. **S**tatuuntur multiplices conceptus: Formalis & Obiectiuus: perfectus & imperfectus: Adæquatū;



æquatus & Inadæquatus : Distinctus & Confusus: Absolutus & proportionalis &c. Entis igitur datur quidem conceptus formalis, sed imperfectus & inadæquatus, per quem inadæquate sua inferiora repræsentat: ita quoq; obiectivus datur, qui nec est perfectè, nec re ipsâ præcisus à naturâ, seu conceptibus suorum inferiorum, substantiæ scilicet & Accidentis.

39. **A**D notitiam nostro intellectui, quod se primò & tanquam primum cognitum offerat: non est quidpiam aliud, nisi ipsum Ens; cognoscens illud cognitione Actuali confusâ. Unde singulare non potest dici primum cognitum nostri Intellectus. Vocamus Ens esse obiectum terminativum seu Extensivum.

40. **V**erum est quod Essentia & Existencia identificantur in Creatore: in Creaturis tamen distinguuntur realiter. Accidentia quoque Essentiam ab existentiâ habent distinctam realiter: quanquam ipsorum existencia propria est imperfecta: nam perfectam sortiuntur, dum actualiter in hærenter uniuntur subiecto.

*De passionibus Entis.*

Res

41. **R**es ipsa docet, quod Ens habeat v̄ras p̄siones de se demonstrabiles: quæ sunt Vnum, Verum, Bonum: aliàs habitus Metaphysicus non diceretur scientificus. Conuertuntur cōm Ente Realiter & Attributiue, sed non conceptibiliter.

42. **A**tributio est Triplex Identica, Denominatiua, & Quiditatiua. Ens dicit Quiditatiuam attributionem ad suas p̄siones; ad vltimas differentias: & modos qui sunt Esse per se, & Esse in alio. Non distinguitur realiter, à suis p̄sionibus, sed solâ Ratione.

*De Vno.*

43. **R**atio formalis vnus, est negatiua, non positiua: & ideo vnum quatenus est passio Entis, negationem diuisionis addit supra Ens. Quoniam verò in vno, duo considerantur: primum se habet tanquam materiale; nempe Entitas: Alterum tanquam formale, scilicet indiuisio: hinc euenit quod vnum magis præcipue Entitatem Rei, quæ est vna exprimat, minus autem præcipue indiuisiōem.

D

Inter



44. <sup>T</sup>er vnum quod dicitur passio Entis, & vnum  
prædicamentale dicitur d. Prædictis: hoc enim  
ad id aliquid positivum, nempe Esse individuum  
quantitativum accidentale quod dat quantitas  
constitutæ rei quantæ. Nam vnitas numera-  
lis non significat simpliciter indivisionem, vt  
Transcendentalis: sed significat indivisionem  
talem & modificatam scilicet in quantitate.

45. **O**ebet diuisio Entis in vnum & multa prin-  
cipatum, ita vt sit prior illâ, quâ diuiditur  
in quantum, & non quantum; finitum &  
infinitum. Quanquam diuisiones Entis, quæ  
numerantur esse plurimæ, diuerso respectu rectè  
dicantur priores, vel posteriores.

46. **D**ifferentia indiuidualis nimirum Hæccei-  
tas, non statuitur pro principio indiuidua-  
tionis, & vnitatis numericæ: item neq;  
forma: neq; sola quantitas: neq; principia in-  
trinsæca: neq; aggregatum ex materiâ & quan-  
titate; sed materia signata, quæ concipitur tã-  
quam radix, & quædam inchoatio originalis in-  
diuiduationis. Cæterùm intelligentiæ seipfis  
indiuiduantur. Accidentia autem per sub-  
stantiam, à quâ Esse & conseruationem conse-  
quuntur.

47. **I**Neo consistit ratio veritatis, ut existat adæquatio & conformitas inter Rem & Intellectum: quæ tamen adæquatio petenda, ex habitu dine ad Intellectum Diuinum, & quidem per se ac principaliter: non autem ad humanum. Nam res ex eo sunt veræ, quia sunt similes & adæquatæ exemplaribus, quæ sunt in mente Diuinâ. Est autem veritas significatiuè in vocibus & propositionibus: fundamentaliter in Rebus: formaliter in intellectu. Quamquam veritas dicta Transcendentalis formaliter, & secundum Essentiam in ipsis rebus reperitur: quæ de præcipuo significato denotat Entitatem, supra quam addit conformitatem seu Relationem.

48. **C**ommodius natura Boni non potest explicari, nisi hac definitione: Bonum est quod omnia appetunt. Secundum suam Essentiam, & per se primò dicit naturam absolutam, consistentem in rei perfectione, & debitâ consummatione. Quare de principali significato significat naturam consummatam: secundariò verò Relationem ad appetitum; quæ non appetibilis, sed conuenientis est, quam addit su-



pra Ens. Bonum multipliciter diuiditur in  
Transcendentale, morale, & physicum &c.

*De Substantia Immateriali.*

49. **A** Bonni materiâ seiunctæ & immateriales  
substantiæ in hoc vniuerso dantur, præter  
substantiam corpoream. Appellantur in-  
telligentiæ vt sunt Angeli, & primus motor.  
Hinc optimè sequitur, nisi darentur creaturæ  
spirituales, hoc vniuersum posset dici imperfe-  
ctum.

50. **N** Aturæ instinctu cognosci potest, quod  
Deus sit, vnus, primus, Independens, æ-  
ternus, Immobilis, Actus purus, simplex,  
Indiuisibilis &c. Vocatur ab Arist: frequenter  
causa prima, & motor primus. Est verò infi-  
niti vigoris: Essentiæ: Perfectionis; intelli-  
gens seipsum in seipso: prouidet omnibus su-  
perioribus & inferioribus vniuersaliter & sigil-  
latim. Habet enim se in vniuerso, tanquam  
Optimus paterfamilias, qui in suâ familiâ pro-  
uidet omnibus, iuxta conditionem vniuscui-  
usq; ita vt aliter prouideat filiis: aliter seruis:  
aliter brutis animantibus &c. Hac prima in-  
telli-

telligentia, vtrum agat de necessitate naturæ;  
ex philosophiâ Arist. non poterit clarè & eui-  
denter demonstrari.

51. **T**ot non sunt secundæ intelligentiæ: quot  
species rerum sensibiles: imò neq; tot,  
quot Orbes caelestes: sed ipsarum nume-  
rus penè est infinitus. Vnde probabilius ha-  
betur, quod excedant numerum præteritorum  
hominum, præsentium, & futurorum. Sunt à  
solo Deo creatæ. Competit eis compositio ex  
actu & potentiâ: genere & differentiâ: Esse &  
Essentiâ, naturâ & supposito &c.

52. **V**trum suppositum à Naturâ distinguatur:  
id non facile deduci poterit, ex principiis  
naturæ: sed solius fidei. Addit supposi-  
tum aliquid reale positium supra naturam,  
quod se habet vt terminus prius, & vltimus na-  
turæ substantialis; eam reddendo vltiori ter-  
mino incommunicabilem.

53. **R**ationalis Anima & Angelus differunt inter  
se: penes Esse Logicum. Physicum. Me-  
taphysicum, & Theologicum. Idem An-  
gelus iuxta diuersam considerationem mensu-  
ratur Aeuo, Tempore discreto, Tempore conti-  
nuo, æternitate participatâ, quæ consistit in



visione Beatificâ, & fruitione Essentiæ Dei præ-  
potentis: cui sit Decus, Honor, & gloria im-  
mortalis per omnes omnium temporum  
æternitates.

Laudetur Sanctissima Tri-  
nitas atq; Beatissima  
Virgo.





SVB FELICISSIMIS AVSPICIIS  
"MAGNIFICI & ADMODVM REVERENDI DOMINI,  
**D. IACOBI VSTIENSIS, S. T. & I. Vq;**  
Doct̃oris & Professoris, Ecclesiæ Collegiatae SANCTI  
FLORIANI Custodis, Almae Academ. Crac.  
**R E C T O R I S**  
Dignissimi & Vigilantissimi.





Biblioteka Jagiellońska



stdr0007635



